

評審感言



邱善雄

這擺有幸受聘為 100 年教育部臺灣本土語言文學獎臺灣客家語組現代詩類評審委員，負責寫學生个評審感言，發現學生个作品一年比一年進步，心內感覺盡歡喜也得盡大个安慰，繼續再傳下去，臺灣个客家話、客家文化、客家精神就可發揚光大毋會消滅。學生作品个進步，表示臺語文學系、院个教育有成果了，真係可賀可喜个事。願大家繼續打拚共下來推動臺灣本土語言文學，也殷切期待教育部做好：「前人種樹後人涼；前人種花後人香」个善工造福後代、萬世留芳，係心所願也。

第 1 名係〈揚蝶仔〉，通順个客語詩，懷念不盡个故鄉人、事、物激起思念个情懷，不忘故人鍾鐵民先生為故鄉保育，環境个衛護个成果，係一首豐富情感个詩。

第 2 名〈厝个生活，厝个詩〉，豐富个人生體驗，客語通順个語句，讓人深思分享个感觸，係一篇多彩多姿活潑生趣个生活詩體。

第 3 名〈想起〉，充滿父子情感个詩，讓人想起阿爸个勤勞、愛家、愛子个心情，藉著流利好唸个客家話深知氣候个變化、時代个進步，還係想起阿爸永留心肝个愛心。